

# KALAALLIT NUNAANNI SULLIVIMMI AVATANGIISIT – SUNAANA?



**Sullivinnik  
Nakkutilliisoqarfik**

 +299 34 25 90

 [at@at.gl](mailto:at@at.gl)

# KALAALLIT NUNAANNI SULLIVIMMI AVATANGIISIT — SUNAANA?

Pitsaasumik pilertortumillu suliamik isumaginninnermi sullivimmi avatangiisit peqqinnartut isumannaatsullu pisariaqarput. Kalaallit Nunaanni sullivinni immitsinnut paarinissarput qulakkeerniarlugu malittarisassat katersorneqarsimapput Kalaallit Nunaanni Sullivimmi avatangiisit pillugit inatsimmi.

Sulinermut atatillugu isumannaallisaanermut peqqinnissamullu akisussaaffik, – qanorluunniit – suliamik ingerlatsinermi akuusuni tamani ippoq.

Isumannaallisaaneq peqqissuunissarlu sullivinni tamani. – tassa tamanna matumani pineqarpoq!  
Isumannaallisaaneq peqqinnissarlu suliap ingerlanissanut tamakkiisumik eqqarsaataareersimassapput – isumassarsiamik ineriartortitsinermi suliap naammassineqarnissaata atorneqalernissaatalu tungaanut.  
Isumannaallisaanermut peqqinnissamullu akisussaaffik inummiippoq titartaasarfiup saniani issiasumi. Inummiilluni atortussamik akuutissamilluunniit pisiffigisami. Inummiippoq iluarsaassisumi (imaluunniit kussiniliortumi) imaluunniit sullivimmi torersaasumi.

**SULISITSISOQ SULISORLU EQQUMAFFIGIN–  
NITTUSSAAPPUT – ILAMI ALLAAT INUIT  
SANAARTORTITSISUUSUT EQQUMAFFIGINE–  
QATAASUSSAAPPUT.**

**Suliffeqarfimmi isumannaallisaaneq** peqqinnissarlu pillugit, allakkatigut sullivimmi nalilersuisoqarnissaa sulisitsisup isumagissavaa, tamatumani suliat suut

ingerlanneqarnersut suleriaatsit suliallu ingerlariaasii atorneqartut, kiisalu suliffeqarfiup angissusia qanorlu aaqqissuussaanera, aallaavigalugit. Sullivinnik nalilersuineq suliffeqarfimmi paarineqassaaq suliffeqarfimmilu aqutsisunit, sulisunit Sullivinnillu Nakkutilliisoqarfimmit takuneqariaannaassalluni. Sullivinnik nalilersuineq nutarterneqartassaaq, suliffimmi allannguisoqaraagat, suleriaatsini suliallu ingerlariaasiini il.il. aamma allannguutit tamakku sulinermi isumannaallisaanermut peqqinnissamullu isumaqarpata. Sullivinnik nalilersuineq tamatigut kingusinnerpaamik ukiut pingasut qaangiutsinnagit nutarterneqartassaaq.

Sullivinnik nalilersuineq naliliineruvoq suliffeqarfimmi sullivimmi avatangiisit pillugit ajornartorsiutinik tamakulu qanoq iluarsineqarnissaannik.

- 1) Nalilersuinerup imarissavai suliffeqarfimmi sullivimmi avatangiisit pillugit suussusersineq takussutissiornerlu;
- 2) Suliffeqarfimmi sullivimmi avatangiisitigut ajornartorsiutit allaaserineri naliliivigineqarnerilu;
- 3) Suliffeqarfimmi sullivimmi avatangiisit pillugit ajornartorsiutinik pingaarnersuilluni iliuuseqarnissamik pilersaaruserneq, aamma
- 4) Periusissatut pilersaarummut malitseqartitsinissami najoqqutassat.

Sulisitsisup, sullivimmi avatangiisit pillugit aaqqissuussaneq imaluunniit sulisut akuutissavai, sullivinnik nalilersuinerup pilersaaruserneqarnerani ingerlanneqarneranilu. Sulisitsisup isumagissavaa, sulineq isumannaallisaanerpum peqqinnissallu tungaatigut illersorneqarsinnaasumik ingerlanneqarnersooq sunniuteqarluartumik nakkutigineqarnissaa. Sulisitsisup aamma sulisut sulinerminnut atatillugu navialiffiusinnaasut aamma napparsimalissutaasinnaasut pillugit ilisimatissavai, aammalu isumagalugu, suliap ulorianartorsiorfiunngitsumik qanoq





ingerlanneqarsinnaanera pillugu sulisut pisariaqartumik ilinniartinneqarlutillu ilitsersuunneqarnissaat.

Avatangiisit pillugit aqqissuussaanerup pilersaarusiussavaa, siulersussavaa, siunnersussavaa ilisimatit-sissutigalugulu, kiisalu suliffeqarfiup iluani isumannaallisaanerup peqqinnissallu tungaatigut sulineq nakkutigissallugu.

Suliffeqarfiup aqutsisui aamma sullivimmi avatangiisit pillugit aqqissuussaanera, sullivimmi avatangiisinut sinniisoq, kiisalu eqimattat ataatsimiititali allu killilersorneqanngitsumik Sullivinnik Nakkutilliisoqarfimmut isumannaallisaaneq peqqinnissamullu tunngasunik saqqummii-sinnaapput.

Sulisitsisup ataatsimiititaliani eqimattanilu ilaasortat isumannaallisaaneq pillugu pisarialinnik ilisimasaqarnissaannut imaluunniit ilinniarnissaannut periarfississavai.

Sullivimmi avatangiisinut sinniisup suliamillu aqutsisup sullivimmi avatangiisit pillugit ilinniartitaanerup pinngitsoorani peqataaffigineqartussaasup peqataaneranni, aningaasartuutaat aningaasarsissaraluaminnillu, sulisitsisup akilissavai.

Eqimattani ataatsimiititalianilu ilaasortat, isumannaallisaanermik suliaqarnerminnut atatillugu pisussaaffimminnik, pissutsit naapertorlugit naammattumik, piffissaqarnissaat, sulisitsisup isumagissavaa.

Sullivimmi avatangiisit pillugit aqqissuussaanermi ilaasortat, sulisut sinniisaat assigalugit, soraarsitaanisamat atorfeqarnerminnullu atatillugu ajornerulersitsinissamat, illersugaapput.

## SULISITSISOQ NAMMINEERLUNI SULLIVIMMI AVATANGIISIT AAQQISSUUSSAANERANNUT ILAASORTAANNGIKKUNI AKISUSSAAFFIGAA INUMMIK AKISUSSAAFFILIMMIK SINNIISOQASSALLUNI.

Sulisut isumannaallisaaneq peqqinnissarlugu pillugit suleqatigiinnermi peqataassapput, suliaqarnerminnilu isumannaallisaanermut peqqinnissamullu tunngasut tamakkiisumik illersorneqarsinnaasuunissaannut peqataassallutik, ilanngullugu isumannaallisaanermut peqqinnissamullu iliuusissat aalajangiunneqartut siunertamissut sunniuteqarnissaat.

Allarpassuit pillugit uani atuarsinnaavatit [www.at.gl](http://www.at.gl) – Malittarisassat – Kalaallit Nunaanni sullivimmi avatangiisit pillugit inatsit.

Assersuutigalugu qasuersaarfissat aamma ulloq unnuarlu sulingiffeqarnissaq imaluunniit 18-it inorlugit ukiullit sulisarnerat.



**Suliffeqarfinni 1-9 akornanni** sulisulinni isumannaallisaa-nermut peqqinnissamul-  
lu suliniarneq ingerlanneqassaaq sulisitsisup, sulisunik siulersuisut sulisullu akornan-  
ni inuttut attaveqaaqatigiinnikkut.

**Suliffeqarfinni qulinik amerlanerusunilluunniit** sulisoqartuni isumannaallisaa-  
nermut peqqinnissamullu sulineq aaqqissuunneqassaaq immikkoortortaqaqarfinni  
suliassaqaqarfiniluunniit tamani ilaasortat sullivimmi avatangiisinut sinniisumik  
qinersinerisigut eqimattani ilaasortaasussanik isumannaallisaa-nermi peqqin-  
nissamilu apeqqutini sinniisorisassaminnik. Sulisut sinniisaat aamma isuman-  
naallisaa-nermi sinniisutut qinerneqarsinnaavoq. Immikkoortortaqaqarfimmi suli-  
saqaqarfimmiluunniit sulisunik siulersuisoq med sullivimmi avatangiisinut sinniisog  
peqatigalugu immikkoortortami suliassaqaqarfimmiluunniit eqimattamik pilersitsis-  
sapput.

**Suliffeqarfinni 35 sinnerlugit** sulisulinni ataatsimik amerlanerusunilluunniit eqi-  
mattanik pilersitsisoqassaaq. Suliffeqarfimmi eqimattaq ataasiuppat eqimattalluun-  
niit marluuppata, taakkunani ilaasortat tamarmik suliffeqarfimmi pisortaq – taassu-  
maluunniit akisussaaffeqarluni sinniisua – ataatsimiititaliaassapput. Suliffeqarfimmi  
eqimattat pingasuuppata amerlanerullutilluunniit sullivimmi avatangiisinut sin-  
niisut eqimattaniittut akunnerminni qinissavaat ilaasortat marluk ataatsimiititalia-  
mi ilaasortassatut, sulisunik siulersuisut eqimattaniittut akunnerminni qinissavaat  
ilaasortat marluk ataatsimiititaliami ilaasortassatut, kiisalu suliffeqarfimmi pisortaq  
aamma ataatsimiititaliami ilaasortaassalluni.

